



2. Տարի, թիւ 1

ԿԵԴՐՈՆԱԿԱՆ ՎԱՐՉՈՒԹԻՒՆ

Համագգայինի Լրատու
Հրատարակություն
Համագգայինի Կեդրոնական Վարչութեան
Խմբագիր Վիգէն Թիֆեքճեան

[illegible]

Լուրերու համադրում՝
Արին Գալուստեան, Թամար Գասապեան
Ձեւադրում՝ Արին Չէփճեան
Բոլոր իրաւունքները վերապահուած:

Նիւ Եորք (ԱՄՆ)



6 Մայիս 2018-ին, Նիւ Եորքի Հայ Կեդրոնին մէջ, տեղի ունեցաւ Համագգայինի հիմնադրութեան 90-ամեակի տօնակատարութիւնը: Ներկայ էին Սուրբ Լուսաւորիչ Մայր Եկեղեցւոյ հովիւ Արժանապատիւ Տէր Մեսրոպ Քինյ. Լազիսեան, Համագգայինի Կեդրոնական վարչութեան անդամ Հրայր Պարոնեան, Արեւելեան ԱՄՆ-ի Շրջանային վարչութեան անդամ Յասմիկ Աբրահամեան, ՀՕՄ-ի Շրջանային Վարչութեան անդամ Սոնիա Պզտիկեան եւ քաջալերող ու խանդավառ հասարակութիւն մը: [Աւելին](#)

Սան Փաուլօ (Պրագի)



ՀՀ Սփիւռքի նախարարութեան աջակցութեամբ եւ ՀՅԴ Պրագիի կեդրոնական յանձնախումբի նախաձեռնութեամբ, 12 Օգոստոս 2018-ին կայացաւ Հայաստանի Հանրապետութեան 100-ամեակին եւ Համագգային հայ կրթական եւ մշակութային միութեան 90-ամեակին առիթով կազմակերպուած համերգը՝ մասնակցութեամբ Սեւակ Ամրոյեանի եւ Սոնա Ռուբենեանի: [Աւելին](#)

Սան Ֆրանսիսքո (ԱՄՆ)



Նախաձեռնութեամբ Համագգայինի Սան Ֆրանսիսքոյի «Նիկոլ Աղբալեան» մասնաճիւղի վարչութեան, Համագգային հայ կրթական եւ մշակութային միութեան 90-ամեակի շքեղ տօնակատարութիւնը տեղի ունեցաւ 22 Սեպտեմբեր 2018-ին, «Խաչատուրեան» Հայ կեդրոնի «Մարոյեան» սրահին մէջ: Սոյն թուականը կը զուգադիպէր շրջանիս Համագգայինի «Աղբալեան» մասնաճիւղի հիմնադրութեան 44-ամեակին: Երեկոյթին ներկայ էին Ս. Գրիգոր Լուսաւորիչ եկեղեցւոյ հոգեւոր հովիւ Պարոյր վրդ. Շէրնէգեան, եկեղեցւոյ Հոգաբարձութեան ատենապետ Ռոստոմ Այնթապլեան եւ շրջանի ՀՅԴ «Քրիստափոր» եւ «Մարդարապատ» կոմիտէի ներկայացուցիչներ: Շրջանի Համագգայինի Արեւմտեան շրջանի Շրջանային վարչութեան ատենապետ ընկերուհի Սեդա Սիմոնեան: [Աւելին](#)

Փարիզ (Ֆրանսա)



7 հոկտեմբեր 2018-ին, Փարիզի 9-րդ թաղամասի «Ռոսինի» սրահին մէջ, Համագգայինի Փարիզի մասնաճիւղը դասական

երաժշտութեան շքեղ համերգով մը տօնեց միութեան 90-ամեակը: Հայերէն եւ ֆրանսերէն լեզուներով ցերեկոյթին բացումը կատարեց Հուրիկ Պաղտասարեան, որ հակիրճ ակնարկով մը անդրադարձաւ միութեան կերտած պատմական ուղիին եւ դրուատեց հիմնադիրներու հայնապաստ առաքելական գործունէութիւնը: Թուեց Համազգայինի չորս վարժարանները՝ Պէյրութ, Սիտնի, Մարսիլիա եւ Իսէ-Լէ-Մուլինօ, ուր հայեցի կրթութեամբ եւ դաստիարակութեամբ սերունդներ կը պատրաստուին: [Աւելին](#)

Մոնթրէալ (Գանատա)



Կազմակերպութեամբ Համազգայինի Գանատայի Շրջանային վարչութեան եւ հովանաւորութեամբ Գանատայի Հայոց թեմի առաջնորդ՝ Գերաշնորհ Տէր Բաբգէն Արք. Զարեանի, Համազգայինի հայ կրթական եւ մշակութային միութեան 90-ամեակի տօնակատարութիւնը տեղի ունեցաւ 14 Հոկտեմբեր 2018-ին, Լաւալի Embassy Plaza սրահին մէջ: Զեռնարկին ներկայ էին Գանատայի մօտ Հայաստանի Հանրապետութեան Հիւպատոս Արա Մկրտչեան, Համազգայինի Կեդրոնական վարչութեան ատենապետ դոկտ. Մկրտիչ Մկրտիչեան, հոգեւոր հայրեր, պատկան մարմիններու ու քոյր միութիւններու ներկայացուցիչներ, եւ Համազգայինի բարեկամներ ու անդամներ: Բացման խօսքէն ետք, Շրջանային վարչութեան ատենապետուհի Ծովիկ Գահվէճեանը ներկայացուց Համազգայինի Գանատայի շրջանին ու մասնաճիւղերուն գործունէութիւնը եւ Շրջանայինի ապագայ ծրագիրներն ու տեսլականը: [Աւելին](#)

Տիբրոյիթ (ԱՄՆ)



13 Հոկտեմբեր 2018-ին, Համազգայինի Տիբրոյիթի մասնաճիւղը մեծ շուքով նշեց Համազգայինի 90-րդ եւ մասնաճիւղի հիմնադրութեան 50-րդ տարեդարձները, մասնակցութեամբ Համազգայինի «Արաքս» պարախումբի եւ սիրուած երգչուհի Սիպիլի, որ յատկապէս ժամանած էր Պոլիսէն, ելոյթ ունենալու համար այս իւրայատուկ տօնակատարութեան: Ելոյթին բացումը կատարեց Համազգայինի Տիբրոյիթի մասնաճիւղի ատենապետուհի Շողեր Ուրլեան, որ խօսքը ուղեւոր մօտաւոր 600 ներկաներուն, շնորհակալութիւն յայտնեց բոլոր բարերարներուն իրենց աջակցութեան համար, մանաւանդ տէր եւ տիկին Հերման եւ Շուշան Խնդիրեաններուն (որոնք հովանաւորած էին այս ելոյթը), ՀՅԴ «Ազատամարտ» կոմիտէին, որ թէ բարոյապէս եւ թէ նիւթապէս, միշտ նեցուկ կանգնած է Համազգայինին: [Աւելին](#)

Սիտնի (Աւստրալիա)



Նախաձեռնութեամբ Աւստրալիոյ Համազգայինի Շրջանային Վարչութեան, Համազգայինի հայ կրթական եւ մշակութային միութեան 90-ամեակի շքեղ հանդիսութիւնը տեղի ունեցաւ 28 Հոկտեմբեր 2018-ին, Համազգայինի Գօլստըն Ճեմարանի «Նալպանտեան» սրահէն ներս: Հանդիսութեան հիւրաբար ներկայ էր Լիբանանէն Համազգայինի Կեդրոնական Վարչութեան ատենապետ Դոկտ. Մկրտիչ Մկրտիչեան,

համայնքի Հայոց Թեմի Առաջնորդ՝ Գերաշնորհ Տէր Հայկազուն Եպիսկոպոս Նաճարեան, Կաթողիկէ եւ Աւետարանական եկեղեցիներու հոգեւոր հայրեր, ՀՅԴ Կեդրոնական Կոմիտէի, ՀՕՄ-ի, ՀՄԸՄ-ի ու շրջանին մէջ գործող այլ միութիւններու ներկայացուցիչներ, ինչպէս նաեւ շուրջ 250 հանդիսականներ, որոնք եկած էին նեցուկ կանգնելու Համազգայինի 90-ամեակի տօնակատարութեան: [Աւելին](#)

Մելայուրն (Աւստրալիա)

Մելայուրնի Համազգային «Կոմիտաս» մասնաճիւղի վարչութիւնը, «Մեսրոպ Մաշտոց-Մատթէոսեան» վարժարանի կազմը



եւ օրուան ձեռնարկի յանձնախումբը միասնաբար կազմակերպած էին ճոխ գեղարուեստական երեկոյ մը, Գարաուադա գոլէճի հանդիսասրահին մէջ: Օրուան յայտագրին իրենց մասնակցութիւնը բերին Մելայուրնի «Զուարթնոց» երգչախումբը, գաղութի տաղանդաւոր արուեստագետ-արուեստագիտուհիները իրենց նուագներով, ասմունքներով, երգերով եւ հայկական նագալարով: [Աւելին](#)

Լոս Անճելէս (ԱՄՆ)

Համազգային հայ կրթական եւ մշակութային միութեան 90-ամեակի եւ Արեւմտեան Ամերիկայի մէջ անոր հիմնադրութեան 50-ամեակի կալայի ճաշկերոյթը գերազանցեց բոլորին ակնկալիքները վերածուելով հայ մշակոյթի օրուան տօնախմբութեան, մեծ գոհունակութիւն պատճառելով հրաւիրեալներուն եւ բոլոր մասնակիցներուն:

Շաբաթ 3 Նոյեմբեր, 2018 թուականը եղաւ պատմական օր մը ոչ միայն Համազգայինի, այլ մեր գաղութի տարեգրութեան մէջ, երբ

արդէն ՀՄԸՄ-ի եւ ՀՕՄ-ի յոբելենական ձեռնարկները յաջողութեամբ պսակուած էին: Առաւել քան 400 ներկաներ ապրեցան վայելքի պահեր, ըմբռնելով համազգայնաշունչ, հայ արուեստով յագեցած մթնոլորտ մը, թէ մուտքի հայադրոշմ զարդարանքով, թէ հայկական խորտիկներու հիւրասիրութեամբ ու մանաւանդ հայկական խաղողի պատական զինիով:

Կլենտէյլի «Հիլթըն» պանդոկի շքեղ սրահի սեղանները զարդարուած էին հայկական ծիրանի փայտով ստեղծագործուած «Ախ Թամար»ի եւ «Անոյշ»ի արձանիկներով, համալրելով հայ մշակոյթի այն մանրատիպը, որ մտայղացումն էր Յոբելենական յանձնախումբի անդամներուն: [Աւելին](#)



Սոթքիոլմ (Շուէտ)

4 Նոյեմբեր 2018-ին, Սոթքիոլմի Tumbascenen-ին մէջ, տեղի ունեցաւ Համազգային Շուէտի պարախումբերու տարեկան ելոյթը: Ձեռնարկը նուիրուած էր Համազգային հայ կրթական եւ մշակութային միութեան 90-ամեակին: Ձեռնարկին ներկայ էին հայ եւ օտար անելիքան 320 հիւրեր: Ծրագրի բացումը կատարուեցաւ Համազգայինի 90-ամեակին նուիրուած խորհրդաւոր կենդանի պատկերով մը, կատարողութեամբ Մարիետ Մասիհի, որմէ ետք վարչութիւնը իր խօսքը ընթերցեց, հայերէնով Վեհան Մարգեան եւ շուէտերէնով Անի Մանսուրեան: [Աւելին](#)



Պեյրուժ (Լիբանան)



Նախագահությամբ Լիբանանի հայոց թեմի առաջնորդ Նարեկ արք. Ալեկմեղեանի, հովանավորությամբ Համազգայինի Լիբանանի Շրջանային վարչության, նախաձեռնությամբ Համազգայինի «Կոմիտաս» մասնաճիւղին, 18 Նոյեմբեր 2018-ին, Ֆըրն Շըպպեքի Ազգային գերեզմանատան մատրան մեջ տեղի ունեցավ հոգեհանգստեան արարողություն Լեւոն Շանթի, Նիկոլ Աղբալեանի եւ Բարսեղ Կանաչեանի յիշատակին՝ հանդիսապետությամբ Նարեկ արք. Ալեկմեղեանի ներկայացուցիչ Վիգեն Վրդ. Տալզլճեանի: Համազգայինի «Կոմիտաս» մասնաճիւղի ատենապետ Նորայր Նաճարեան այս առիթով արտասանած իր խօսքին մեջ յայտնեց, որ Համազգայինի 90-ամեակին առիթով մասնաճիւղը փափաքած է միութեան հիմնադիրներ Լեւոն Շանթի, Նիկոլ Աղբալեանի, ինչպէս նաեւ հայ երգի մեծ վարպետ Բարսեղ Կանաչեանի շիրիմին մօտ կատարել իր ձեռնարկներէն մէկը՝ լուսարձակի տակ առնելով այն երեւոյթը, որ այս երեք մեծերուն ոգեղէն էութիւնը յիշելու կողքին, պէտք է յիշել նաեւ անոնց նիւթական գոյութիւնը: [Աւելին](#)

Դամասկոս (Սուրիա)



Համազգայինի Դամասկոսի «Լ. Շանթ» մասնաճիւղի վարչութեան կազմակերպած Համազգայինի 90-ամեակի նուիրում ձեռնարկը տեղի ունեցավ 23 Նոյեմբեր 2018-ին, «Ամինեան» սրահէն ներս: Հանդիսութեան ներկայ էին Սուրիոյ խորհրդարանի անդամ Դոկտ. Նորա Արիսեան, Կաթողիկէ հայ համայնքէն Գեր. Տէր Գեորգ Վրդ. Պահէեան, «Ա. Ահարոնեան» կեդրոնի ներկայացուցիչը, միութիւններու ներկայացուցիչներ, հիւրեր եւ համազգայնականներու հոծ բազմութիւն մը: [Աւելին](#)

Աթէնք (Յունաստան)



«Համազգային»ի 90-ամեակին նուիրած հանդիսաշուք տօնակատարութիւնը կատարուեցաւ Նէոս Գոզմոսի «Աթինայիքօ» հանդիսասրահին մէջ, 24 Նոյեմբեր 2018-ին: Տօնակատարութիւնը սկսաւ Հայաստանի մէջ պատրաստուած տեսերիկի մը ներկայացմամբ, ուր թատերականացուած բեմադրությամբ կը ներկայացուէր «Համազգային»ի հիմնադրութեան առաջին հանդիպումը Գահիրէի մէջ, խումբ մը մտաւորական ընկերներու կողմէ (Շանթ, Աղբալեան, Իփէկեան, Օհանջանեան, Ստեփան Եսայեան, Մինաս Խաչատուրեան, Սեդրակ Պալըզճեան, Յակոբ Պալըզճեան, Սարգիս Մալխասեան եւայլն): Յայտագրի ընթացքին ներկայացուեցաւ երկրորդ տեսերիկ մըն ալ, որ կանդրադառնար յատկապէս Յունաստանի Համազգայինի հիմնադրութեան ու գործունէութեան, հին օրերէն մինչեւ մեր օրերը, միութեան բազմամարդ աշխուժութեանց եւ ելոյթներուն ընդմեջէն: [Աւելին](#)

Նիկոսիա (Կիպրոս)



1 Դեկտեմբեր 2018-ին, Նիկոսիոյ «Նաբեկ» վարժարանի հանդիսասարահին մեջ պատշաճ հանդիսութեամբ նշուեցաւ Համազգայինի հայ կրթական եւ մշակութային միութեան 90-ամեակը, կազմակերպութեամբ Համազգայինի Կիպրոսի «Օշական» մասնաճիւղին: Թեմիս Կաթողիկոսական Փոխանորդ Տէր Խորէն Արք. Տողրամաճեանի հովանաւորութիւնը եւ հայ համայնքի պետական ներկայացուցիչ Վարդգէս Մահտեսեանի նախագահութիւնը վայելող հանդիսութիւնը սկսաւ վարչութեան ատենապետ Արթո Դաւիթեանի բացման խօսքով, որուն յաջորդեց գեղարուեստական յայտագիր մը մասնակցութեամբ՝ Մարիա Մոսկոֆեանի (մեներգ), Նայիրի Մուրատեանի (ասմունք) եւ «Համազգայինի «Միփան» պարախումբին, ղեկավարութեամբ պարուսոյց Գրիգոր Քելէշեանի: [Աւելին](#)

Լոնտոն



8 Դեկտեմբեր 2018-ին, Համազգայինի հայ կրթական եւ մշակութային միութեան Լոնտոնի մասնաճիւղի նախաձեռնութեամբ կատարուեցաւ միութեան հիմնադրութեան

90-ամեակի տօնակատարութիւնը: Ներկայ էին Համազգայինի Կեդրոնական Վարչութեան անդամ Սելա Թնճուկեան, գաղութիս առաջնորդ Գերաշնորհ Հայր Յովակիմ Եպիսկոպոս Մանուկեան, Համայնքային Խորհուրդի ատենապետ Արման Աբրամեան, այլ երեւելի դէմքեր եւ հոծ բազմութիւն մը:

Օրուան խօսնակներն էին մասնաճիւղիս երիտասարդ անդամներէն Արդա Հալաճեան եւ Անդրէ Ասատրեան, որոնք ձեռնարկին բացումը կատարելով հրաւիրեցին միութեանս նախագահ Հրաչ Պողոսեանը շնորհաւորական եւ բարի գալուստի իր խօսքը փոխանցելու: Ապա ներկաները ականատես եղան Կեդրոնական Վարչութեան կողմէ պատրաստուած կարճ ֆիլմի մը ցուցադրութեան, որ կը ներկայացնէր միութեան հիմնադրման մանրամասնութիւնները ու անոր տուն տուող պատճառները: [Աւելին](#)

Հալէպ (Սուրիա)




Բերիոյ Հայոց Թեմի Առաջնորդին իսկ խօսքով, 9 Դեկտեմբեր 2018-ին «Գեորգ Եսայեան» սրահը հաւաքուած հանդիսականները Համազգայինի 90-ամեակը խորհրդանշող դասական ձեռնարկի մը կ'ակնկալէին ներկայ եղած ըլլալ, այնպէս ինչպէս սովորութիւն դարձած էր շատ մը յոբելեաններու յիշատակումին պարագային. սակայն, Համազգայինի Սուրիոյ Շրջանային վարչութեան կազմակերպած ձեռնարկով, կազմակերպիչ մարմինին երիտասարդները անակնկալ մը մատուցեցին բոլորիս: Ըլլալ, պահել աւանդականը, ունենալ այդ ամբողջ ժառանգութիւնը եւ ժամանակակից ոճով բեմ բարձրացնել զայն. ա՛յս էր ձեռնարկին միտք բանին: [Աւելին](#)

ՊԵՂՈՒՄ (ԼԻՔԱՆԱՆ)



10 Դեկտեմբեր 2018-ին, Համազգայինի «Լիւսի Թիւթինճեան» ցուցասրահին մէջ տեղի ունեցաւ Համազգայինի հրատարակչական գործի հիմնադիր Նիկոլ Աղբալեանի օգտագործած առաջին մամուլի տեղադրման եւ Համազգայինի «Վահէ Մէթեան» հրատարակչատան 2017 եւ 2018 տարեշրջաններու հունձքի ներկայացման նուիրուած ձեռնարկը՝ Հայաստանի Հանրապետութեան 100-ամեակին եւ Համազգայինի Հայ կրթական եւ մշակութային միութեան 90-ամեակին առիթով: [Աւելին](#)

ԹՈՐՈՆՔՈ (ԳԱՆԱՏՈՒ)



Հայկական սփիւռքի տարածքին հայու ինքնութիւնը վառ պահող Համազգային հայ կրթական եւ մշակութային միութեան իննսունամեայ փառահեղ անցեալ, մեր մըշակոյթի զանազան խաւերը դրսևորող բեղմնաւոր ներկայ ու շէնշող, յուսալից

ապագայ՝ երկու ժամուան մէջ: Անցեալէն դէպի ապագայ ձգտող՝ բծախնդրօրէն համադրուած ու շաղկապուած ծրագիր, ուր տեղ գտած են միութեանս հիմնադիրներէն մինչեւ այսօրուան ամենափոքրիկ համազգայնականը: Համազգայինը՝ կազմակերպուած եւ ներկայացուած առաւելաբար երիտասարդ համազգայնականներու կողմէ. այս հեռանկարով է որ ճամբայ ելաւ Համազգայինի Թորոնթոյի «Գլաձոր» մասնաճիւղի 9 դեկտեմբերին կազմակերպած միութեան 90-ամեակի տօնակատարութիւնը, որ կը կրէր «Արմատ եւ Սաղարթ» խորագիրը: [Աւելին](#)

ՊԵՂՈՒՄ (ԼԻՔԱՆԱՆ)

21 ՓԵՏՐՈՒԼԱՐ 2019



Համազգայինի Լիքանանի Շրջանային վարչութեան կազմակերպած եւ Համազգայինի 90-ամեակին նուիրուած ձեռնարկները ընթացք առին 21 Փետրուար 2019-ին, «Յակոբ Տէր Մելքոնեան» թատերասրահին մէջ: Այս առիթով բարի գալուստի խօսք արտասանեց Հուրի Զաքարեան: Բեմայարդարումը շատ պարզ էր ու հանդարտութիւն ներշնչող՝ զոյգ աթոռ ու սեղան մը: Բեմը շունչ ու ոգի կը ստանար Համազգայինի Սօս Սարգսեանի անուան պետական թատրոնի հայրենի տաղանդաւոր արուեստագէտներ Արման Նաւասարդեանի եւ Տաթևիկ Ղազարեանի գեղեցիկ, հաղորդական, մերթ յուրի, մերթ խանդավառող, մերթ սիրոյ մեղեդիներով օրօրող ասմունքներով: [Աւելին](#)

22 ՓԵՏՐՈՒԼԱՐ 2019

Հայ մշակոյթի ջահակիր եւ սերունդներու ներշնչարան Համազգայինը արդէն թելա-

կոխած է 90 տարին: Անոր վաստակը արգասիքն է տարիներու նուիրական առաքելութեան, որուն հաւատացած են միութեան հիմնադիրները, իրերայաջորդ Կեդրոնական եւ Շրջանային վարչութիւններն ու հաւատաւոր համագգայնականները: Այս առումով 90-ամեակի ձեռնարկները անգամ մը եւս կը շեշտեն հայապահպանման եւ մշակութային արժէքներու տարածման ջատագով Համագգայինի առանցքային դերը հայ ժողովուրդի կեանքին մէջ: 22 Փետրուար 2019-ին, Պուրճ Համուտի «Յակոբ Տէր Մելքոնեան» թատերասրահը անգամ մը եւս ժամադրավայրը հանդիսացաւ լիբանանահայ արուեստասէր հասարակութեան, որ եկած էր ունկնդրելու Ֆրանքա Ռամէի եւ Տարիօ Ֆոյի «Սովորական օր» իւրայատուկ մենաներկայացումը՝ կատարողութեամբ հայրենի վաստակաւոր դերասանուհի Տաթևիկ Ղազարեանի: [Աւելին](#)



24 Փետրուար 2019

24 Փետրուար 2019-ին, «Յակոբ Տէր Մելքոնեան» թատերասրահին մէջ, Համագգայինի 90-ամեակը նշուեցաւ տպաւորիչ հանդիսութեամբ, որ լաւագոյն ապացոյցն էր միութեան առաքելութեան յաջողութեան, որովհետեւ բեմին վրայ գեղեցիկ ու խօսուն ներկայութիւն էին Համագգայինի «Լեւոն Շանթ» մշակութային կեդրոնի աշակերտներն ու ուսուցիչները, հայրենի տաղանդաւոր արուեստագէտներ, Համագգայինի պատասխանատուներ, նաեւ, հպարտօրէն, այս միութեան տարբեր բնագաւառներուն ծառայած նուիրեալներ, որոնց պարգեւատրումը սիրտ լեցնող է բոլորին համար: Տարբեր սերունդներ, Հայաստանն ու Սփիւռքը, հայերէն խօսող, երգող, պարող եւ նուագող նորահասներ, ներկայիս միութեան երթին

համար գործողներ եւ երախտաւորներ... Մանրանկար մը՝ 90 տարուան ուղիին: [Աւելին](#)



25 Փետրուար 2019

Համագգայինի հիմնադրութեան 90-ամեակի ձեռնարկները իրենց տարողութեամբ ուղղակի պատգամներ են հայ ժողովուրդին՝ տէր կանգնելու հայ մշակոյթին եւ իբրեւ աւանդ փոխանցելու զայն յաջորդող սերունդներուն: Այս առումով Համագգայինի Լիբանանի Շրջանային վարչութիւնը, հաւատարիմ միութեան հիմնադիրներուն ուղեգիծին, շարք մը ձեռնարկներով մշակութային բուրաստան մը պարգեւեց լիբանանահայութեան՝ գեղեցկացնելով եւ ազնուացնելով ունկնդիր արուեստասէրներու հոգիները: Արդարեւ, վերջին ձեռնարկը տեղի ունեցաւ 25 Փետրուար 2019-ի երեկոյեան, «Յակոբ Տէր Մելքոնեան» սրահին մէջ, ուր հանդէս եկան Հայաստանի վաստակաւոր արուեստագէտ Զարուհի Պապայեան եւ երգի բազմաթիւ մրցանակներու դափնեկիր Սոնա Ռուբենեան: [Աւելին](#)

